



Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritiva - I. Horologium Asceticum. II. Principia Vitae Christianae. III. Manuductio ad Coelum. IV. Via Compendii ad Deum. V. De Sacrificio Missae. VI. De Discretionem Spirituum ... Operum Eminentiss. Cardinalis, Tom. I

Bona, Giovanni

Parisiis, 1677

Cap. 5. Quid sit unio mystica: Quomodo fiat: Qui ejus effectus: Quid incapacibus & ignaris conferat lectio mysticae Theologiae: Transitus ad Aspiraciones

urn:nbn:de:hbz:466:1-9969

tua. Confiteor tibi, Domine, quia abscondisti hæc à sapientibus & prudentibus, & revelasti ea parvulis. Non sic illuxisti inflatis cordibus sapientum hujus seculi, sicut luces in mente parvulorum & humilium humum deserentium. Verè tu es Deus absconditus & lucem habitas inaccessibleem: sed lucem tuam copiosè illis & amanter communicas, qui Jesum crucifixum corde & corpore exprimentes, animam expurgarunt ab omni labe ac sorde voluptatum. Penetrasti animam illorum profundius & vitalius quàm soleas, cum solam mentem ignotus irradias, jejuna voluntate. Penetrasti intimè & intelligibili tui contactu experti sunt quàm suaviter mulces & mirabiliter imples hanc immensam mentis nostræ capacitatem. Tum ex abundantia cordis eructarunt verba, verba utique bona, dulciora super mel & favum; ex quibus didici veram sapientiam, quæ non reperitur in siccis & insulsis libris inanium Philosophorum, qui narrant mihi fabulationes, sed non ut lex tua. Ita, Pater, quoniam sic fuit placitum ante te.

CAP. V. *Quid sit unio mystica. Quomodo fiat. Qui ejus effectus. Quid incapacibus & ignavis conferat lectio mystica Theologiae. Transitus ad Aspiraciones.*

I. **E**O tendunt omnia, quæ de mystica Theologia scribuntur, ut animam perducant ad intimam cum Deo unionem, in qua medulla hujus sapientiæ & summum ejus arcanum consistit. Non est autem hæc unio localis, sive præsentia, qua Deus ubique est, nihil se vacuum relinquens propter suam immensitatem. Non est unio per gratiam sanctificantem, quæ anima à peccatis emaculata in Dei amicitiam restituitur, sitque divinæ consors naturæ. Non est unio per charitatem, de qua scriptum est, (a) *Qui manet in charitate in Deo manet & Deus in eo.* Prima enim harum unionum convenit rebus inanimatis. Secunda omnium justorum est & puerorum ante usum

^a Joan. 4. 16.

rationis; fiuntque istæ in substantia animæ. Tertia communis est omnibus probis, qui Deum quidem ardentissimè diligunt, sed dono contemplationis & mystica unione carent. Est igitur alia unio felicissima & arcana, in expertis impervia & difficilis explicatu, quæ fit in potentiis animæ, in intellectu scilicet & voluntate; istæ enim Deum attingunt & illi conjunguntur actionibus propriis vitalibus: atque in ista unione summa felicitas vitæ hujus consistit & quædam futuræ gloriæ prægustatio.

De hac unione non est meæ imbecillitatis fusiùs differere: immundis enim & impuris divina attingere nefas. Legat qui dignus fuerit uberrimè de illa differentem virum doctissimum & quasi alterum Hierotheum divina patientem, Thomam à Jesu, (b) qui sanctorum Patrum de ea, omniumque Mysticorum doctrinam affert, multa addens ex propria experientia.

II. In hac unione clarissima luce sapientiæ perfusus intellectus Deum respicit, ut quoddam totum, in quo est omne bonum, ita ut ab eo in aliud diverti nequeat: voluntas autem ardentissimo amore constringitur, qui instar ignis erumpens omnia quodammodo absorbit, ita ut anima jam in se non vivat, neque actionibus naturalibus intendat, sed toto affectu in eum transeat, cui arctissimo amplexu conjungitur. Ambe verò potentie in vastissimam Divinitatis solitudinem, ut ita dicam, introducuntur; ubi Pater cunctis imaginibus nudans intellectum supra rationem nos evehit; Filius verò vacuum intellectum infinita claritate perfundit: sanctus autem Spiritus immenso ardore inflammans voluntatem omnes affectus nostros secum conglutinat; quia nimirum id quod mortale in nobis est à vita immortalis absorbetur. Hic dicit anima, *Bonum est nos hic esse*: hic introducit in cellam vinariam, ubi læta bibit sobriam ebrietatem spiritus: hic canit epithalamium dicens, (c) *Dilectus meus mihi & ego illi. Vivo ego jam non ego, vivit verò in me Christus*. Defluit hic

b Lib. 4. de divina orat. per totum. c Cant. 2. 16. Galat. 2. 20.

amans anima, deficitque à seipſa & velut ad nihilum re-
ducta in ayſſum æterni amoris collabitur : ubi ſibi mortua
vivit in Deo, nihil ſciens, nihil ſentiens præter amorem.
Perdit enim ſe in divina caligine, ſed ſic ſe perdere in-
venire eſt.

III. O ſanctam illam animam, quæ à Deo ſingulariter
viſitata & ſupra omnia creata, ſupraque omnem operatio-
nem elevata, mediante myſtica unione in Deum trans-
formatur ! Quàm benè illi conveniunt verba illa Sapien-
tis, (d) *Venerunt mihi omnia bona pariter cum illa!* Cùm
enim feliciffima unio ſit amplexus & deguſtatio ſummi
boni; omnia bona ab ipſa, quaſi rivuli à fonte, in animam
derivantur. (e) Hinc decor & pulchritudo & Spiritus
ſancti charismata quibus mirabiliter exornatur. Hinc
ſplendor lucis & præfulgida illuſtratio, ardorque amoris
& ſuavitas ineffabilis. Hinc contemptus rerum omnium
terrenarum & inſatiabile cœleſtium deſiderium. Hinc
perfecta Chriſti imitatio & exredundantia ſpiritus exulta-
tio ſenſuum & corporis admirabilis tranſmutatio. Hinc
animæ annihilatio coram Deo & myſtica mors : hinc fer-
vor, languor, liquefactio, ebrietas ſpiritualis, ſilentium
internum, oſculum Verbi, ecſtaſis, raptus, ſuſpenſio &
alia multa, quæ libens prætermitto, quia de his ſola un-
ctio illos docet, qui digni ſunt experiri.

IV. Altiffima quidem ſunt hæc myſteria & ſupra commu-
nem hominum captum, ſed ut optimè ait Plato, (f) *De rebus
divinis credendum eſt filiis Dei, etiam ſi nullas afferant ra-
tiones.* Res ſublimes & arcanas, quòd ſibi notæ non ſint,
quaſi falſas aſpernari; fidemque abnegare ſpectatiſſimæ
probitatis viris, cùm de divinis perceptionibus ex pro-
pria loquuntur experientia, ſtultorum eſt & impiorum.
Nec idèò inutiles æſtimandi ſunt, aut prorfus abjiciendi
Myſticorum libri, quòd ſublimia tractent & mirabilia ſu-
per nos; nam hoc ſaltem ex illis diſcimus, quàm longè

d Sap. 7. 11. e De his fuſè Harphius, Ruſbrochius, Carthuſianus, Bloſius &
alii Myſtici. f In Timæo.

adhuc versemur à culmine Christianæ perfectionis, nondum digni qui cum Moyse in caliginem ingrediamur. Nar-
rat Guilielmus (g) Abbas Sancti Theodorici, sibi in-
firmo in Monasterio Clarevallensi S. Bernardum etiam
infirmum moraliter exposuisse Canticum Canticorum:
*In quo, inquit, cum benignè & sine invidia exponeret mihi
& communicaret sententias intelligentiæ & sensus experien-
tiæ suæ & multa docere niteretur inexpertum, quæ non nisi
experiendo discuntur; etsi intelligere non poteram adhuc
quæ apponebantur mihi, plus tamen solito intelligere me
faciebat, quid ad ea intelligenda deesset mihi.*

V. Hic sisto. Voces enim audio plenas querelarum,
quibus à legentibus interpellor. Et ubi, inquiunt, via
compendii ad Deum, quam te initio hujus Tractatus
ostenfurum promisisti? Hactenus de mystica Theologia
& de unione cum Deo disseruisti, opus proponens diffi-
cillimum, iter arduum & altissimum fastigium humanis
viribus inaccessible. Unde meritò illud Psalmographi
quisque nostrum usurpare potest: (h) *Mirabilis facta est
scientia tua ex me & non potero ad eam.* Quomodo enim
terrenus homo terram despiciere poterit, cælum conscen-
dere, Angelorum choros transcendere, ad Dei solium
accedere, quicquid est humanum exuere, Deo intimè
uniri? Libenter quidem ista legimus & audimus; sed tam
arduo operi nos accingere, humana fragilitate vires de-
negante, non audemus. Rectè ista; si sola hominum im-
becillitas attendatur: malè, si divinæ gratiæ efficaciam
adjuvantem respiciamus, Adest hæc omnibus, qui à Deo
præventi iter ad ipsum aggrediuntur. Aderit & mihi viam
docenti, datamque fidem liberanti.

VI. Dico igitur viam compendii ad Deum, ad culmen
mysticæ Theologiæ, ad intimam cum Verbo unionem
esse motus Anagogicos & exercitium Aspirationum.
Testes hujus dicti afferro omni exceptione majores. Pri-
mus est Joannes à Jesu Maria Carmelita excalceatus, qui
g In vita S. Bernardi lib. 1. c. 12. h Psal. 138. 6.

ita scribit: (i) *Concors omnium quos legerim, sententia est, ad altissimam Dei cognitionem & sensum, sive experimentum, aspirationum exercitio ita animam erigi, ut si hoc Angelicum exercitium miris laudibus celebratum, ceteris omnibus antepositum frequentet, plurimum proficiat. Habet enim tam egregiam vim extimulandi & divinis flammis urendi, ut hoc unum idoneis circumstantiis septum & studio virtutum armatum, ad summam christiana vite perfectionem & puritatem corda nostra perducatur. Quamvis enim dona Dei sint unio, raptus, fruiio, revelatio & illa indulgentissimi Dei interna blandimenta & solis conatibus nostris, quantumvis nervosis, illa non producamus; at certe animæ sese idoneè ad eas nuptias ornanti & comparanti munificentius, quàm cogitare valeat, indulgentur. Hæc Joannes, cui alterum adjungo ejusdem instituti Thomam à Jesu. (k) Si Sanctorum Patrum, inquit, aliorumque Mysticorum, qui hanc viam experti sunt, sententiæ credendum est, nullam compendiosorem viam, nullumve alium in Deum assurgendi modum faciliorem ac nobiliorem eo invenies, quem sapientiam unitivam, sive amorem unitivum Mystici appellant, qui in motibus anagogicis sive aspirationibus, quibus cor enititur ad Deum assurgere, ac illi avidissimè adherere, consistit. Possem paginas latè implere aliorum testimoniis hanc veritatem confirmantium, præsertim Bonaventuræ, (l) Henrici Harphii, (m) Joannis Gersonis (n), Dionisii Chartusiani (o), Constantini de Barbanson (p); sed pro indicta mihi brevitate duo proposita sufficient.*

CAP. VI. *Aspirationes, Motus anagogici, Orationes jaculatoria quid sint. Sententiis & exemplis Sanctorum Patrum approbantur. De illarum præstantia & utilitate.*

I. **A** Baridem Hyperboreum Pythagoræ ævo nobilem & famosum habuisse fuerunt aureum telum, quo

i Myst. Theol. cap. 9. k De divina orat. lib. 4. cap. 20. l Cap. 3. myst. Theol. ipsi ascriptæ, quæ est Henrici de Palma. m Myst. Theol. lib. 2. initio p. 5. n In myst. Theol. o Lib. de fonte lucis. p In semit. occult. p. 1. cap. 5. & p. 2. c. 3. Lansperg. init. Pharetræ.